

Na osnovu člana 169. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - prečišćen tekst, 38/16, 44/17, 28/18, 52/21 i 40/22), člana 55. stav 1. tačka 2. Statuta Općine Ilijaš („Službene novine Kantona Sarajevo“ br. 20/09-prečišćeni tekst i 46/18) te člana 90. i 94. Poslovnika Općinskog vijeća Ilijaš ("Službene novine Kantona Sarajevo" br: 19/22), Općinsko vijeće Ilijaš, na svojoj 21. sjednici održanoj dana 28.10.2022. godine. donijelo je

## O D L U K U

o subvencioniranju dijela troškova komunalnih usluga  
vodosnabdijevanja, odvodnje i prečišćavanja otpadnih voda

### DIO PRVI – OPĆE ODREDBE

#### Član 1. (Predmet odluke)

Ovom Odlukom propisuju se: kategorije korisnika, uslovi, kriteriji i način utvrđivanja prava na subvencioniranje dijela troškova komunalnih usluga vodosnabdijevanja, odvodnje i prečišćavanja otpadnih voda, (u daljem tekstu: "subvencioniranje"), troškovi koji se subvencioniraju, organi odlučivanja, prestanak prava, potrebna sredstva kao i način finansiranja.

#### Član 2. (Značenje pojedinih pojmova)

Pojedini pojmovi navedeni u ovoj Odluci imaju slijedeće značenje:

- „*Korisnici stalne novčane pomoći*“ su lica koja ostvaruju pravo prema Zakonu o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo.
- „*Subvencioniranje cijene komunalne usluge*“ podrazumijeva plaćanje dijela troškova usluga vodosnabdijevanja, odvodnje i prečišćavanja otpadnih voda koje pruža JKP "Vodostan" d.o.o. Ilijaš, za korisnike tih usluga za koje se na osnovu kriterija iz ove Odluke utvrdi da spadaju u kategoriju lica u stanju socijalne potrebe.

### DIO DRUGI – USLOVI KRITERIJI I NAČIN UTVRĐIVANJA PRAVA

#### Član 3. (Ostvarivanje prava na subvencioniranje)

Subvencioniranu cijenu ostvaruje pojedinac ili porodica (u daljem tekstu: korisnik komunalne usluge) i to fizička lica koja su vlasnici ili zakupci stambenog prostora, a koji ispunjavaju kriterije iz ove Odluke.

Pravo na subvenciju ostvaruje korisnik komunalne usluge koji ima prebivalište na području Općine Ilijaš i

- a) korisnik je stalne novčane pomoći ostvarene po kantonalnom propisu
- b) lica koja su korisnici socijalnog programa Općine Ilijaš

Član 4.  
( Količina vode koja se subvencionira)

Maksimalna mjesečna količina isporučene pitke vode i količina otpadnih voda po članu domaćinstva korisnika komunalne usluge ne može preći 3m<sup>3</sup>.

Razliku u iznosu mjesečnog računa za količinu isporučene pitke vode i količinu otpadnih voda koja nastaje potrošnjom većom od 3m<sup>3</sup> po članu domaćinstva korisnika komunalne usluge, snosi korisnik.

Član 5.  
(Uslovi za ostvarivanje prava)

Opšti uslovi koje mora ispuniti korisnik komunalne usluge su:

- a) da podnositelj zahtjeva i članovi domaćinstva imaju prebivalište na području Općine Ilijaš,
- b) da se nekretnina za koju se izdaje račun za pružanje usluga vodosnabdijevanja i odvodnje i prečišćavanja otpadnih voda nalazi na području Općine Ilijaš i
- c) da račun za pružanje usluga vodosnabdijevanja i odvodnje i prečišćavanja otpadnih voda glasi na ime podnosioca zahtjeva ili zakupodavca s kojim korisnik usluge ima zaključen ugovor o zakupu stambenog prostora.

Član 6.  
( Postupak za ostvarivanje prava na subvenciju)

Postupak za ostvarivanje prava na subvencioniranje provodi Služba za opću upravu, boračko-invalidsku i socijalnu zaštitu Općinu Ilijaš, a po zahtjevu lica koja žele ostvariti pravo na subvenciju.

Uz zahtjev za subvencioniranje troškova iz člana 4. ove Odluke podnositelj zahtjeva prilaže:

- a) uvjerenje izdato od strane JU " Kantonalni Centar za socijalni rad" Sarajevo
- b) kućnu listu,
- c) Prijava prebivališta-boravišta (CIPS),
- d) posljednji račun izdan od strane JKP "Vodostan" d.o.o. Ilijaš, za pružanje usluge i isporuke pitke vode, odvodnje i prečišćavanje otpadnih voda.

Član 7.  
( Službena evidencija)

Služba za opću upravu, boračko-invalidsku i socijalnu zaštitu Općine Ilijaš je dužna sačiniti službenu evidenciju o korisnicima koji ostvaruju pravo na subvencioniranje.

Evidencija sadrži:

- a) lične podatke o korisniku: ime, ime oca, prezime, datum rođenja, adresa stanovanja,
- b) bračno stanje,
- c) datum upisa u evidenciju,
- d) podatke o utvrđenom statusu korisnika subvencije,
- e) podatke o članovima porodice (ime, očevo ime, prezime,zaposlen, nezaposlen, penzioner, učenik, student, korisnik stalne socijalne pomoći),
- f) podatke o statusu stanovanja (vlasnik stana/kuće, korisnik stana/kuće, član domaćinstva, zakupac stana/kuće).

Član 8.  
(Odluka)

Općinski načelnik, na prijedlog Službe za opću upravu, boračko-invalidsku i socijalnu zaštitu Općine Ilijaš, donosi odluku o subvencioniranju dijela troškova komunalnih usluga vodosnabdijevanja, odvodnje i prečišćavanja otpadnih voda i dostavlja ga JKP "Vodostan" d.o.o. Ilijaš.

Odluka sadrži spisak korisnika subvencionirane komunalne usluge, sa slijedećim podacima:

- a) broj članova domaćinstva podnosioca zahtjeva i
- b) mjesečnu količinu vode koja se subvencionira.

Član 9.  
( Obaveze javnog preduzeća)

Na osnovu odluke koju dostavlja Služba za opću upravu, boračko-invalidsku i socijalnu zaštitu Općine Ilijaš, JKP "Vodostan" d.o.o. Ilijaš, dužno je izdati račun za svakog korisnika pojedinačno.

Prilikom izrade mjesečnih računa JKP "Vodostan" d.o.o. Ilijaš će razgraničiti iznos koji se subvencionira, odnosno kojeg plaća Općina Ilijaš i iznos koji plaća korisnik subvencije.

JKP "Vodostan" d.o.o. Ilijaš, dužno je izdati račun o pruženoj usluzi isporuke pitke vode korisniku iz stava 1. ovog člana, te isti dostaviti Službi za opću upravu, boračko-invalidsku i socijalnu zaštitu Općine Ilijaš.

Po prijemu računa iz stava 3. ovog člana Služba za opću upravu, boračko-invalidsku i socijalnu zaštitu Općine Ilijaš, je dužna sačiniti obračun subvencioniranog dijela korisnika usluge, te isti dostaviti općinskoj Službi za privredu i finansije.

Služba sa privredu i finansije Općine Ilijaš po prijemu obračuna izvršit će plaćanje subvencioniranog dijela JKP "Vodostan" d.o.o. Ilijaš.

Član 10.  
( Neispunjenje uslova za subvencioniranje)

Ukoliko podnosilac zahtjeva ne ispunjava uslove za subvencioniranje, propisane ovom Odlukom, Služba za opću upravu, boračko-invalidsku i socijalnu zaštitu Općine Ilijaš donosi zaključak.

Ukoliko podnosilac zahtjeva na temelju dokaza kojima raspolaže, smatra da mu je neopravdano uskraćeno pravo na subvencioniranje može izjaviti žalbu Drugostepenoj stručnoj komisiji Općinskog vijeća putem Službe za opću upravu, boračko-invalidsku i socijalnu zaštitu Općine Ilijaš.

Rješenje Drugostepene stručne komisije Općinskog vijeća Ilijaš je konačno.

**DIO TREĆI - PRESTANAK PRAVA NA SUBVENCIONIRANJE I OBEZBJEĐENJE  
SREDSTAVA**

Član 11.  
( Prestanak prava)

Korisnici koji su ostvarili pravo na subvencioniranu cijenu utvrđenog dijela troškova komunalnih usluga vodosnabdijevanja, odvodnje i prečišćavanja otpadnih voda, a kod kojih u međuvremenu dođe do promjena koje su od uticaja na ostvarivanje utvrđenog prava (promjena prebivališta, broja članova domaćinstva, zaposlenje i druge činjenice koje dovode do promjene statusa korisnika), obavezni su u roku od 15 dana od dana nastale promjene, obavijestiti Službu za opću upravu, boračko-invalidsku i socijalnu zaštitu Općine Ilijaš,

JKP "Vodostan" d.o.o. Ilijaš je dužan u roku od 3 dana od dana saznanja da su nastupili uslovi iz stava 1. obavijestiti Službu za opću upravu, boračko-invalidsku i socijalnu zaštitu Općine Ilijaš.

Ukoliko dođe do promjena koje bitno utiču na uslove subvencioniranja Služba za opću upravu, boračko-invalidsku i socijalnu zaštitu Općine Ilijaš, dužna je po službenoj dužnosti u roku od 3 dana obavijestiti JKP "Vodostan" d.o.o. Ilijaš o nastalim promjenama.

Služba za opću upravu, boračko-invalidsku i socijalnu zaštitu Općine Ilijaš, će brisati korisnika iz službene evidencije.

#### Član 12.

(Postupak žalbe i brisanja iz evidencije)

Služba za opću upravu, boračko-invalidsku i socijalnu zaštitu Općine Ilijaš, licu koje je brisano iz službene evidencije korisnika koji su ostvarili pravo na subvencioniranje dijela troškova komunalnih usluga, će utvrditi zaključkom prestanak prava na subvencioniranje.

Na zaključak iz stava 1. stranka ima pravo žalbe.

Žalba se podnosi Drugostepenoj stručnoj komisiji Općinskog vijeća, u roku od 15 dana od dana prijema rješenja, a predaje se putem Službe za opću upravu, boračko-invalidsku i socijalnu zaštitu Općine Ilijaš

Rješenje Drugostepene stručne komisije Općinskog vijeća Ilijaš je konačno.

#### Član 13.

(Potrebna sredstva)

Sredstva za realizaciju ove Odluke obezbjeđuju se na godišnjem nivou u Budžetu Općine Ilijaš.

### DIO ČETVRTI - ZAVRŠNE ODREDBE

#### Član 14.

(Nadzor nad provođenjem odluke)

Nadzor nad provođenjem ove Odluke vrši Općinski načelnik putem Službe za opću upravu, boračko-inavlidsku zaštitu i socijalnu zaštitu.

#### Član 15.

(Stupanje na snagu)

Ova Odluka stupa na snagu danom objave u „Službenim novinama Kantona Sarajevo“ a primjenjivati će se od 1. januara 2023. godine.

Broj: 014-02-2497-5/22.  
Ilijaš, 28. 10. 2022. god.

PREDSJEDAVAJUĆA :  
OPĆINSKOG VIJEĆA ILIJAŠ

Alma Omerović, BA nov.

